



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus. M.DC.LXIII. Sancti Patris Benedicti. M.C.LXXXIII.

urn:nbn:de:hbz:466:1-38498

*Vitam An-
gelis proxi-
mam du-
cis.*

ritia fuerat, asserere non dubitavit, vitam Angelis proximam duxisse, sibi; si liceret per Ecclesiam, potius in ejus exequijs dicendam Missam de sancta Virgine quam pro Defunctis, serio affirmavit. *Ex saepe citatis Calvariensium scriptis.*

*Magdale-
na à San-
cta Lachry-
ma.*

Alterum coelis hoc anno insertum ex eadem Congregatione luminare, fuit Magdalena à sancta Lachryma. Hæc præter vitam sanctissimam exactam, verè Calvaria alumna & compatiens Doloris Matri & Crucifixo comprobans, miraculum patientiæ in doloribus vehementissimis extitit. Namque post diutinos labores, quos mirabili constantia & generositate tolerabat, acerbissimo colici morbi afflicta genere (Miserere in Gallijs vocitant) viva quasi dilaniabatur. Cumque condolentes afflictissimæ Sorori reliquæ, brevi desituros dolores, pro solatio ingererent, eo quod tantopere vehementes essent, ac proinde vel brevi moriturâ, vel tanta morbi violentia statim levandâ. *Ab sit, absit, inquit MAGDALENA, daret, daret, ô in æternum durabilis sit dolor, si in Crucifixo videatur, mille mortibus, mille ictibus, miserum corpus concidat, ô DEUS meus, Amor meus Crucifixus!* Exaudita est sava in corpusculum tenerimum oratio, per quindecim siquidè dies, importabili Martyrio coronata est, stupentibus Medicis, omnia in debili Virgine elusa Galeni Apodigmata; ac tunc demum Virgo ad Patientiam triumphum & coronas vocata. *Ex eussis.*

*Invisibilis
Virginis
Patientia.*

*Felicitas
Galliarum
Regni.*

JESU CHRISTI ANNUS. M. DC. LXIII.
Sancti Patris Benedicti. M. C. LXXXIII.

Iterum Gallijs intentissimum Coelum, dum in liliæto illo, coelesti regno hortifque Elysijs digniora intuetur lilia, & flores Regum Regis dignissimos manibus, iterum hoc anno jure suo usum, iterum liliæ sibi vendicat, sibi maturimum, coelitis prælectum, cum diu coelestis odoris fragrantia omnia Galliarum Regna implevisset. Horrènt sacro horrore animus, talia nostræ ætatis referre exempla, quæ imbecillè ad tam ardua confundunt animum, & sacros ad sacra bella concitatissimos etiâ provocant, tanto magis miranda, quanto ex infirmiore sexu, & quidè delicatissima Principe, ad stuporè elucescunt. Facio, quod aliàs plerumque, in mag-

ni momenti rebus, meis diffusis minimè verbis, sed incredulitati delicatorum, & ipsa formalia assero Scriptoris sæpè à me laudati integerrimæ sinceritatis, & qui ipse habuerit recens gesta, ut ex hoc ipso apparebit, & quidè à testibus oculatis & reapse expertis.

Operæpretium erit, inquit, id referre, quod superiori (NB. 1663.) anno Parisijs contigit, obitum scilicet Illustrissimæ Domine, & Venerabilis Matris Magdalene à Passione de Rieux, tertium jam totius Congregationis Superioris (seu Præsidis) Generalis. Vivit multis partibus Generis Nobilitatè præstantis animi Virtus, cumque facillè ingenij bonitate, gravitate judicij, prudentia, humanitate, aliisque nature præstantissimis dotibus, superaret omnes, major tamen semper se ipsa humilis mens, omnibus subditi ambiebat. Electa in Priorem Calvaria Parisiensis, annos dumtaxat viginti quinque nata, & in Superiorem Generalem annos ætatis habens triginta, solo ledenda conscientie scrupulo, electioni subscripsit invita, tentatis nequidquam mille vijs sacrisque dolis, quibus importabile onus à se amoliretur. Præfecta alijs, omnibus morem gerebat, nec raro humi prostrata enixius sorores obsecravit, ut sibi defectus obicerent. Per quadragesima & amplius annos Parisijs comorata, omnibus penè ignota mansit, ubi tamen omnes affines collecti erant, Rege ipso, Principibusque viris, feminiisque sibi consanguinitate conjunctis. Et in hoc præcipuè data sibi potestate utebatur, in Priores præcipuè, distribuit ipse præcipiens, nequid de ea, ejusque familia ad pompam & plausum loquerentur. Si quando à Prelatis alijsve prima nota viris inviseretur, salutatis humiliter, Priorem loquentem, ipsa ex humilitate muta audiebat, asserens, nihil se dignum tanto cætu fari posse. Divinis Officijs & orationi semper prima intererat, abjectis quibuscunque alijs, sive negotijs, sive colloquijs. Nunquam nisi genibus flexis orabat; nihil innoxia, imò altero genu ischiade rigente, altero dumtaxat silicis instar obdurato fulciebatur. Nunquam de rebus cujusvis momenti ita anxia extitit, atque si solitis pietatis exercitijs deesset. Unde hoc ejus commune essatum; Solutius DEI esse plura simul operari, nostrum uni solum rei intendere, postmodum uni iterum post alterum vacare. Non erat quisquam qui ab ejus charitatis calore se absconderet. Ægris ipsa præfens obsequabatur, & manibus, & exhortationibus, ac missis plerumque fructibus ac bellarijs, qua sibi

*Magdale-
na à Pas-
sione mira-
culum no-
stra ætatis.*

*Regni (co-
nata &
Principum,
omnium
humilissima.*

*Loquendo
patissimum.*

*Insigne ejus
pronuntia-
tum.*

*Simile ali-
ud eius di-
ctum.*
 sibi ministrabantur, mirum in modum sola-
 batur. Sororum desideria antevertibat, ni-
 hil longis earundem colloquutionibus, re-
 petitisque sermonibus pertasa. Cum certior
 fiebat, aliquid in Congregationis damnum
 ab hostibus tentari: Adlaborant, inquit,
 nostris usibus Amici hostes; nostrum
 est, per patientiam horum questum facere
 apud DEUM. Obiectatorum linguas,
 dicto citius frenabat, nunquam nisi honori-
 ficentissime de ipsis loquuta. Flos qui per-
 niciem familiae suae suorumque omnium apud
 Regem moliebatur, solis vitis bellum in-
 dicens, omnes materno affectu complecte-
 batur: unam Charitatem Calvaria these-
 ram esse, exemplo magis quam verbo prae-
 cabat. Crucis, Crucifixique serus amor, di-
 re per totam vitam, in ipsum Virgineum cor-
 pus bacchatus est: jejunijs, vigilijs, flagel-
 lis, cilicijis frequentibusque morbis. Pauper-
 tatem impense colebat, nunquam, juxta
 SS. Regulam, nisi omni vilitate & extremi-
 tate contenta. Sarciebat proprijs manibus
 non suastantium, sed & Conversarum detri-
 tas & laceras vestes, atque si sibi commodius
 quid vel exquisitius oblatum esset, summa dex-
 teritate, alijs elargiebatur. Agra cum ali-
 quando in Infirmaria quiesceret, & adverte-
 tisset, molliore se culcitra decumbere quam
 sorores; protinus lecto exiliens, cuidam Con-
 versa lectulum suum celsit, subdens festrive,
 se minus, illam longe gravius laborare, &
 melius curari debere. Breviarium ipsum,
 quo utebatur, quatuor tomis distinctum,
 venundari iussit, ut hac elemosyna inopi Ca-
 nobio opem aliquam ferret, pro se lacerato ali-
 quo & usibus aucto comparato. Mortis
 praesentia, sacram sibi quandam praxim indi-
 xerat, quam quibusvis implicata negotijs
 nunquam omittebat, ut mentem purgaret,
 sponsoque pararet dignam sedem. Subde-
 batque si quando ab illo pensio arceretur: si-
 nite paululum me Domini mei mortem acer-
 bissimam adorare, meaque propriae mortis
 meminisse. Adero vobis oculus. Exercitijs
 spiritalibus decem dierum emensa feliciter.
 Quadragesima vacare gestiens, mirum est,
 quanta devotione, quanta amoris vi in DE-
 UM inenderet. Orationem coram Augu-
 stissimo Sacramento, per quatuor aut quinq;
 horas, genibus perpetuo flexis producebat;
 debilitate corporis fatiscentis, ipsa Spiritus
 vehementia fulcienie. Conceptum in DEI
 sinu animi ardorem oculis praeferebat. Spi-
 ritum Divinum quid aucta ad cumulu pie-
 tatis, matura celo Angelorum delicias jam
 praelibasse videbatur: unde eius & agendi,

& loquendi ratio, mentem jam felicitate a-
 terna donatam, non humi degentem, decla-
 rabat, quae erant vultus, oris, sermonum,
 Conversationis totius Divinae Venere; dum
 amice solitudini fervens incombere. Nul-
 lum est mortificationis crudelitatisque ge-
 nus, quo in senile corpus, facta indies du-
 rior sibi, non exarserit. In Capitulo, praesentibus
 sororibus, ipsa Superior Generalis, im-
 mense cervici implexo fune, palam con-
 fessa est, non quae patrarat delicta, utpote
 innocentissima, verum quae pra humilitate
 putarat admisisse, inexpiabilia, ut loqueba-
 tur, scelera. His mortificationibus praefuit
 ad mortem ipsam, namque vigesima alij deci-
 ma quinta Aprilis Anni millesimi sexcente-
 simi sexagesimi tertij, qua die Eucharisti-
 am sumperat, Missae Convencuali, alijsque
 Divinis Officijs interfuerat de more; verum
 circa horam sextam serotinam in Refectorio egressa
 apoplexia correpta est, ac circa decimam in-
 credibili omnium mœrore, totiusque Congre-
 gationis saadura feliciter in Domino obdor-
 mirvit; Medicis celeberrimis in cassum labo-
 rantibus, cunctisque sororibus caelum ipsam,
 lachrymis suspirijs ardentibusque votis nec-
 quidquam exorantibus. Corpus Virgineum post
 quadragesimam a morte horas apertum, sua-
 vissimum odorem spirabat, licet pulmo costus ha-
 reret, multoque tabo jecur infectum cernere-
 tur: mirantibus Archiatris, corpus, in quo
 tot cause mortis inerant, tam diu vivere po-
 tuisset: & suaviter olere, ita corruptum. Cor
 amantissima Matris, cura & studio illustris-
 sime Domine d' Asserac, ad alterum Calva-
 riae Conventum Parisijs in palude situm, com-
 mitantibus clarissimis viris & Dominis
 Marchionibus d' Asserac & de Gienepotibus
 ejusdem, innumerisque alijs, celebri pompa
 delatum est. Exequijs interfuere multi
 Principes famina, totiusque Aulae Gallica
 nitidissima sdera, communem Matrem
 amissam lugentibus universis. Ita citatus.
 Et revera visum Numen ipsum,
 tantopere sibi dilectam, quasi de indu-
 stria inadvertentibus subitum eripere,
 ne nimia precum lachrymarumque in-
 stantia, potentissima alias Tanta Congre-
 gationis, apud Misericordiae suae
 Dignationem gratiositas, a concupitis
 tandiu utriusque amplexibus diutius
 remoraretur. Nec preparata magis ip-
 sa ad mortem, quam sola ipsa praevide-
 rat, sibi que providerat, esse potuisset, de
 qua alius Vitae scriptor non minus au-
 ctoritate pollens & vitae integritate, se-
 quentibus verbis: Perfectis feliciter Ex-
 erci-

Fuge eius
 fuit Mar-
 tyrium.
 Mors bea-
 tissima.
 Fragrantia
 celestis ca-
 davris.
 Funeris
 deductio.
 Prepara-
 tissima Al-
 tissimo oc-
 currit.

ercitijs, vegetior & robustior omnibus
visâ, omnes singulari gaudio afficiebat,
vultu ipso cœlesti lætitiâ, & verecunda
hilaritate Divinitus suffuso: nec mirû:
aptius enim ad mortem parari non po-
terat Magdalena, quiq; in ipso sinu
DEI maturuerat fructus optimus, col-
ligi citius vix valuit, tamdiu siquidem
precibus totius Congregationis exter-
rita atque repulsa mors astu vincere,
astu & arcanis insidijs prædam deijce-
re, prædâ frui debuit. Prævijs morbo-
rum doloribus opus non erat, nec ege-
bat ipsa ad sacrificium, poenitiæ hos-
tia per totam vitam facta. Illud deni-
que lacris Virginibus præpropera mor-
te debuit, quæ morti ejusdem optimæ
Matris omni modo obtulissent, si mor-
ticipiam credidissent. Nihil igitur mo-
nitis, nihil suspicantibus crepta, est
Magdalena, Syderibus ipsis, & Ange-
lorum choris inferenda, &c. Corpus
loculo plumbeo inclusum, sua vili-
ssimumque exhalans odorem, multis sa-
ceratissimos pedes, in primis verò Illu-
strissimis Ducissis Vindocinensi (de
Vendosme) & Nemourensi (de Nemo-
urs) defunctæ proximis, devotè de oscu-
lanribus, persolutis prius sexcentis &
amplius, sacris Missarum solemnibus, il-
lusterrimo funere, terræ mandatum
est in Conventu Calvariæ S. Germani,
17. ejusdem mensis (Aprilis) ita nimi-
rum variant in die obitus & sepulturæ,
ut alter ad 25. & 27. reculit, ita hic obi-
tum ad diem 15. sepulturam ad 17.
Aprilis referant de qua re diligentius
inquirendum.

*Hostia per-
missis Nu-
mini fuit.*

*Sepulta in
Calvaria
Monasterio
S. Germani.*

Excedit hoc ipso anno 1663. ad R. E-
DIVIVI in se Sanctissimi Patris sui B E-
N E D I C T I amplexus delicatissimæ in
omni puritate Virginitatis immacula-
tissima Christi Sponsa Ven. Elisabetha
Tripedi Conversa Soror Ciminæ in Si-
cilia admirabili vitæ sanctitate fulgi-
dissima, & miraculis clara. Cujus vitæ
typis impressam necdū videre merui-
mus. R. P. D. Casimirus Polonus Asceta
S. Pauli Rom. Ipso quoque anno in
eodem Regno Sicilia ad supera accer-
situr 20. Julij Venerabilis Agatha Vol-
ti Monialis Ordinis S. P. N. B E N E D I-
C T I in Monasterio Charitatis Bivonæ,
opinionē & famâ Sanctitatis celebra-
rissima, cujus similiter gesta inhiantissi-
mè exspectamus.

I E S U C H R I S T I A N N U S . M . D C . L X T V .
Sancti Patris Benedicti . M . C . L X X X I V .

E Vocat ad palatia supera & æternâ
gloriam hoc anno Numen optu-
mum Sanctæ memoriæ Abbatē Aloy-
sium Carassam Fabricij Andriæ Ducis
filium S. Severini Neapolitani Cænobij
professum, Abbatem Cassinensem, illu-
strissimum sanè Italiae & B E N E D I-
C T I Ordinis sydus, exemplar absolu-
tissimæ perfectionis, & Virtutū omniū,
cum transitus sui diem disertè prædi-
xisset, & biduo ante in Ecclesiam se de-
portari curasset, & auditio summa cum
devotione sacro, SS. Synaxi per modū
Viatici refectus esset, ipsa die lethali
correptus paroxismo, in quo ad supre-
mum usque anhelitum sedens in sella
clausis semper oculis mansit, donec ijs-
dem aperitis, ijsque ad Cœlū versis bea-
tam animam efflavit circa meridiem,
die 18. Novembris anno ætatis 76. in-
credibili non solum suorum luctu, sed
totius Urbis Neapolitanæ, quæ in ipso
insignia conspexit exempla sanctitatis.
Fuit stupendum hoc in oculis omnium
præsentium miraculum, cum ex more
cadaver ejus lavaretur, fuisset se ma-
nibus, in partibus verecundis cooperu-
isse; sed & post horas triginta octo in
feretro expositum, totum molle & fle-
xile sudasse in fronte, atque multoties,
purpureum ex brachijs & pedibus san-
guinem emisisse. Claruit insignibus tã
in vita quàm post mortem miraculis,
quæ inter memorabile illud: quod quidam
phrenesi laborans, & tantopere
furiosus, ut suas ipse carnes voraret, &
laniaret, cum jam novem menses, mi-
serabile spectaculū condolentibus fuisset,
solis floribus, quibus sacrum funus
obtectum erat, vitæ quam manducan-
dam sumpserat commixtis, & absump-
tis, integræ menti restitueretur. Fuit
ut Vitæ scriptor oculatus refert; totus
contemplativus, charitativus, silentarius,
piissimus, humilissimus, solitarius, Prophetæ,
contemptor omnium rerum secularium, in
morisficandis suis sensibus singularare exem-
plar, in tolerandis infirmitatibus quasi in-
sensibilis, dum Medicorum atque Chyrur-
gorum opera secaretur, nec minimum qui-
dem suspirium seu gemitum edere auditus,
& hoc quidem toto vitæ suæ tempore. Tan-
tæ autem abstinentiæ fuit deditus, ut
per plurimos annos, solis leguminibus
& herbis vesceretur. Deiparam singu-
lari

*Ven. Aloy-
sij Caraf.
sa.*